



□ 13  
3038  
2止





門 13  
3838  
2



孔子集語卷下

子出衛第十一

子出衛東門逢姑布子卿子卿迎而謂子貢曰是  
為魯孔丘與得堯之顙舜之目禹之頸臯陶之喙  
從前視之益益乎似有土者從後視之高肩弱脊  
循循固得之轉要下四寸此惟不及四聖者也子  
貢曰吁子卿日子何患焉汗面而不惡葭喙而不  
藉羸乎若喪家之狗子何患焉子貢以告子無辭  
而獨辭喪家之狗曰丘何敢乎賜汝不見喪家之





狗歟既歛而樽布器而祭顧望無人意欲施之今  
上無明王下無賢方伯王道衰政教失強凌弱衆  
暴寡百姓縱心莫之紀綱是故以丘為欲當之者  
也丘何敢乎韓詩外傳

子貢曰葉公問政於夫子子曰政在於附近而來  
遠魯哀公問政子曰政在於論臣齊景公問政子  
曰政在於節用三君問政夫子應之不同然則政  
有異乎子曰荆之地廣而都狹民有離志焉故曰  
在於附近而來遠哀公有臣三人內比周以惑其

君外障距諸侯賓客以蔽其明故曰政在論臣齊  
景公奢於臺榭滯於苑囿五官之樂不解一旦而  
賜人百乘之家者三故曰節用見尚書大傳

東郭子思問於子貢曰夫子之門何其雜也子貢  
曰夫槩栝之旁多枉木良醫之門多疾人砥礪之  
旁多頑鈍夫子聞之曰修道以俟天下來者不止  
是以雜也見尚書大傳

子曰參女以為明主為勞乎昔者舜左禹而右臯  
陶不下席而天下治



子集註 卷一 二  
子曰古之刑者省之今之刑者繁之古者有禮然後有刑是以刑省也今也反是無禮而齊之以刑是以繁也

子如衛人謂曰公甫不能聽獄子曰非公甫不能聽獄也有罪者懼無罪者耻民近禮矣

子曰聽訟者雖得其情必哀矜之死者不可復生鬻者不可復贖也

子曰吳越之俗男女同川而浴其刑重而不勝由無禮也中國之教內外有別男女不同棊架不同

中櫛其刑重而勝由有禮也語曰夏后不殺不刑罰有罪而民不輕犯

子曰古之聽民者察貧窮哀孤獨矜寡宥老幼不肖無告是故老而受刑謂之悖弱而受刑謂之剋不赦過謂之逆率過以小謂之挾

子曰今之聽民者求所以殺之古之聽民者求所以生之不得其所以生之道乃刑殺君與臣會焉

子曰君子不可以不學見人不可以不飭不飭無



貌無貌不敬不敬無禮無禮不立夫遠而光者飭也近而逾明者學也譬之如汙邪水潦集焉菅蒲生焉從上觀之誰知其非源水也  
 子曰文王得四臣丘得四友吾得回也門人加親是非胥附邪吾得賜也遠方之士至是非奔走邪吾得師也前有光後有輝是非先後邪吾得由也惡言不至於耳是非禦侮邪故文王有四臣免於虎口丘得四友以禦侮

何崇曰  
 三教中

子曰心之精神是謂聖

並見尚書大傳

宗語

顏叔子第十二

顏叔子獨處于室鄰之嫠婦又獨處于室夜暴風雨至而室壞婦人趨而至顏叔子納而使執燭放乎旦而蒸盡縮屋而繼之自以為辟嫌之不審矣若其審者宜若魯人然魯人有男子獨處室鄰之嫠婦獨處于室夜暴風雨至而室壞婦人趨而就之男子閉戶而不納婦人自牖與之言日子何為不納我乎男子曰吾聞之也男女不六十不同居吾子勿吾亦勿不可以納子婦人日子何不若柳

齊猷按  
 脫又字



何棠曰  
晉人機  
鋒處不  
得此語  
力

二章並  
今呂氏  
春秋無  
之

下惠姬不逮門之女國人不稱其亂男子曰柳下  
 惠固可吾固不可吾將以吾不可學柳下惠之可  
 孔子曰欲學柳下惠者未有似於是者也呂氏春秋  
 孔子侯子貢久而不至謂弟子占之遇鼎皆曰折  
 足賜不來顏淵掩口而笑子曰回也哂謂賜來也  
 無足乘舟而至子貢朝至呂氏春秋  
 子曰少成若天性習慣如自然見大戴禮  
 子曰國有道雖加刑無刑也國無道雖殺之不可  
 勝也見董仲舒春秋繁露

子曰君子不盡利以遺民故詩云彼有遺秉此有  
 不斂穧伊寡婦之利

子曰不患貧而患不均繁露

子曰我欲載之空言不如見之行事之深切著明

也司馬遷傳

邱費之宰三大夫數叛患之以問孔子孔子曰陪

臣執國命采長數叛者邑有城池之固家有甲兵

之藏故也季氏說而墮邱墮費公羊傳何休註

子曰吾志在春秋行在孝經何休公羊傳序



孔子見羅者所得皆黃口也孔子曰黃口盡得大  
爵獨不得何也羅者對曰黃口從大爵者不得大  
爵從黃口者可得孔子顧弟子曰君子慎所從不  
得其人則有網羅之患說苑  
子路問曰治國何如子曰在於尊賢而賤不肖子  
路曰范中行氏尊賢而賤不肖何為其亡也子曰  
尊賢而不能用賤不肖而不能去也賢者知其不  
用已也怨之不肖者知其賤已也讐之怨讐並與  
欲無亡得乎

齊侯問第十三

齊侯問於晏子曰為政何患對曰患善惡之不分  
公曰何以察之對曰審擇左右左右善則百僚各  
得其所宜而善惡分孔子聞之曰善哉

子曰本不正者未必倚始不盛者終必衰春秋之  
義有正春無亂秋有正君無危國易曰建其本而  
萬物理失之毫釐差以千里故君子貴建本而重  
其始

子曰中人之情有餘則侈不足則儉無禁則淫無



度則失縱欲則敗故飲食有量衣服有節宮室有度蓄聚有數車器有限以防亂之源也

子曰夏道不亡商德不作商德不亡周德不作周德不亡春秋不作春秋作而後君子知周道亡也故上下相虧也猶水火之相滅也人君不可不察而大盛其臣下此私門盛而公室毀也

子路問於孔子曰請釋古之學而行由之意可乎孔子曰不可昔者東夷慕諸夏之義有女其夫死爲之納私婚終身不嫁不嫁則不嫁矣然而非貞

節之義也蒼梧之弟娶妻而美好請與兄易忠則忠矣然非禮也今子欲釋古之學而行子之意庸知子用非爲是用是爲非子不愼其初雖欲悔難哉

孔子曰惡惡道不能甚者則其好善道亦不能甚好善道不能甚則百姓之親之也亦不能甚

子曰吾於甘棠見宗廟之敬也尊其人敬其位古聖之道幾哉幾音基

仲尼見梁君梁君問曰吾欲長有國吾欲列都之



得吾欲民不惑吾欲士竭力吾欲使日月當時吾欲使聖人自來吾欲使官府治為之奈何仲尼曰丘聞之兩君相親則長有國君惠臣忠則列都之得母殺不辜母釋罪人則民不惑益士祿賞則竭其力尊天敬鬼則日月當時善為刑罰則聖人自來尚賢使能則官府治

魯有父子訟者康子曰殺之孔子曰未可殺也夫民不知子父訟之不善者久矣是則上過也上有道是人亡矣康子曰夫治民以孝為本今殺一人

以戮不孝不亦可乎孔子曰不孝者不教而誅之是殺不辜也三軍大敗不可誅也訟獄不治不可刑也上陳之教而先服之則百姓從風矣躬行不從而後俟之以刑則民知罪矣夫一仞之牆民不能踰百仞之山童子升而遊焉凌遲故也今仁義凌遲久矣能謂民不踰乎

並見說苑

文王第十四

文王似元年武王似春周公似正月文王以王季為父太任為母太姒為妃武王周公為子泰顛閔



天爲臣其本美矣武王正其身正其國以正天下  
伐無道刑有罪一動天下正其事正矣春致其時  
萬物皆生君致其道萬人皆治周公戴已而天下  
順其誠矣

孔子曰存亡禍福在已而已天災地妖不能殺也  
昔殷王帝辛爵生鳥於城之隅占者曰小而生巨  
國家必社帝辛喜不治國家尤暴極甚外寇乃至  
遂亡殷國此逆天之時詭福而反得禍也殷王武  
丁之時刑法弛廢桑穀共生于朝七日而大拱占

辛下脫  
時字

者曰桑穀野物也而生于朝意朝亡乎武丁恐駭  
側身修行興滅國繼絕世舉逸民三年之後遠方  
之君重譯來朝者六國此迎天之時詭禍而反得  
福也故妖孽者天之所以警天子諸侯也惡夢者  
所警士大夫也妖孽不勝善政惡夢不勝善行  
孔子讀易至損益喟然而嘆子夏避席曰夫子何  
嘆孔子曰自損者益自益者損吾是以嘆也子夏  
曰然則學不可益乎孔子曰否天之道成者未嘗  
得久也夫學者以虛而受之故曰苟得持滿則天



下之善言不得入其耳矣昔堯履天子之位猶允  
恭以持之虛靜以待下故百載而逾盛迄今而猶  
革昆吾自滅而滿意窮高而不衰故當時而虧迄  
今而愈惡是非益損之微歟

哀公問於孔子曰人若何而可取也孔子對曰母  
取<sub>音</sub>掛<sub>音</sub>者母取<sub>音</sub>捷者母取<sub>音</sub>口銳者掛者太利不可  
盡用捷者必欲兼人不可為法也口銳者多誕而  
寡信後恐無驗也夫弓矢調而後求其中焉馬慤  
愿而後求其良焉人不忠信重厚而多智能如此

人者譬猶豺狼不可近也是故先仁信之誠者然  
後親之於是人之有智能者然後任之

魯人有贖臣妾於諸侯者取金於府子貢贖人於  
諸侯而還其金孔子聞之曰賜失之矣聖人舉事  
可以移風俗而教導可施於百姓非獨適其身之  
行也今魯國富者寡貧者衆矣贖而受金則為不  
廉不受則後莫敢贖自今以後魯人不復贖矣

說苑

齊桓公第十五



齊桓公出獵逐鹿於谷中見老人而問之曰何谷對曰愚公之谷桓公曰何故曰以臣故名之公曰視爾之狀非庸人何以爾名對曰臣故畜牝牛而大賣之以買駒少年曰牛不能生馬遂持駒去聞者以臣爲愚故谷以臣得名桓公歸以告管仲管仲曰此夷吾之愚也使堯在上臯陶爲理安有取人駒者乎愚公知治獄不正故與之耳請退而修政孔子曰弟子記之桓公霸君管仲賢佐猶有以智爲愚者況不及桓公管仲者乎

孔子與齊景公坐左右曰周使來言周廟焚齊景公問孔子曰何廟也孔子對曰必釐王廟也詩云皇皇上帝其命不忒天之報人必報其德禍亦如之釐王變文王之制輿馬奢侈不可振也故天殃其廟以是知之景公曰何不殃其身曰天以文王之故若殃其身文王之祀無乃絕乎故殃其廟以彰其過也左右入報曰是釐王之廟也景公驚曰聖人之智不亦大乎

孔子將行無蓋弟子曰子夏有之可以行孔子曰



商之爲人短於財吾聞與人交者推其長違其短故能久長矣

子讀詩至正月之六章懼然曰不逢時之君子豈不殆哉從上依世則廢道違上離俗則危身世不與善而已獨行之故曰非其時恐不得終焉

孔子曰不觀高岸何以知顛墜之患不臨深淵何以知沒溺之患不觀海上何以知風波之患失之者其在此乎士慎三者無累於人

並見說苑

公索氏第十六

公索氏將祭亡其牲子曰公索氏比及三年必亡後一年而亡弟子曰夫子何以知之孔子曰祭之爲言索也索也者自盡也乃孝子所以盡其親也將祭而亡其牲則餘所亡者多矣吾以此知其將亡也

魯哀公問孔子曰吾聞忘之甚者徙而忘其妻有諸乎孔子對曰此非忘之甚也忘之甚者忘其身昔夏桀貴爲天子富有四海不修禹之道毀壞辟法裂絕世祀荒淫于樂沈酗于酒其臣左師觸龍



諂諛不止湯誅桀左師觸龍身死四支異處此忘  
其身者也哀公變色曰善此不食言之實也  
顏回將西遊問於孔子曰何以爲身孔子曰恭敬  
忠信可以爲身恭則免於衆敬則人愛之忠則人  
與之信則人恃之矣

子路行辭於仲尼曰敢問新交取親若何言寡而  
可行若何長爲善士而無犯若何仲尼曰新交取  
親其忠乎言寡可行其信乎長爲善士而無犯其  
禮乎

仲尼曰史鱮有君子之道三不仕而敬上不祀而  
敬鬼直能曲於人

子路盛服入見孔子孔子曰是禴禴音籤者何也昔

何棠曰

大字義

是小與

一勺之

多多字

者江水出於岷山其始也大足以濫觴及至江之  
津也不方舟不避風不可渡也非唯下流衆川之  
多乎今若衣服甚盛顏色充盈天下孰肯加若者  
哉子路趨出改服而入孔子曰由汝記之吾語汝  
責於言者華也奮於事者伐也夫色智而有能者  
小人也故君子知之爲知之不知爲不知言之要



也能之爲能不能爲不能行之至也言要則知行要則仁既知且仁夫何有加矣哉

趙襄子見圍於晉陽罷圍賞功臣高赫無功而受上賞張孟談曰晉陽之中高赫無功與上賞何也襄子曰吾在厄中唯赫不失臣主之禮子以功驕寡人也與赫上賞不亦可乎孔子聞之曰趙襄子可謂善賞士矣賞一人而天下之人臣莫敢失君臣之禮

孔子閒居喟然嘆曰銅鍤伯華無死天下其有定

矣子路曰其爲人也何若子曰其幼也敏而好學壯也勇而不屈老也有道而能下人子路曰何謂也孔子曰由汝不知吾聞以衆攻寡無不消也以貴下賤無不得也周公制天下之政而下士七十人豈無道哉欲得士故也有道而能下天下之士君子乎哉

子曰可也簡簡者易野也易野也者無禮文也孔子見子桑伯子子桑伯子不衣冠而處弟子曰夫子何爲見此人乎子曰其質美而無文吾將說而



文之孔子去子桑伯子門人不說曰何為見孔子乎曰其質美而文繁吾欲說而去其文故曰文質修者謂之君子有質無文謂之易野子桑伯子易野欲同人道於牛馬故仲弓曰太簡

孔子至齊郭門外遇一嬰兒挈一壺相與俱行其視精其心正其行端孔子謂御者曰趣驅之趣驅之韶樂將作孔子至彼聞韶三月不知肉味並見說苑

子夏問第十七

子夏問仲尼曰顏回為人何若曰回之信賢於丘

也曰子貢為人何若曰賜之敏賢於丘也曰子路為人何若曰由之勇賢於丘也曰子張為人何若曰師之莊賢於丘也子夏避席而問曰然則四者何為而事先生子曰坐吾語汝回能信而不能反賜能敏而不能屈由能勇而不能怯師能莊而不能同兼此四者丘不為也夫所謂至聖之士必見進退之利屈伸之用者也然而吾不知其味也孔子觀於呂梁懸水四十仞環流九十里有丈夫將涉之孔子使人止之丈夫不錯措音意遂渡而出



而下不  
字衍文

孔子曰子有巧乎有道術乎所以能入而不能出者何也丈夫曰始吾入先之以忠信吾之出又從以忠信忠信錯吾軀於波流而吾不敢用吾私所以能入而復出也孔子謂弟子曰水尚可以忠信義久而身親之況於人乎而不論其術而論其義子路持劍孔子問曰安用此乎子路曰古者以自衛孔子曰君子以忠為質以仁為衛不出環堵之內而聞千里之外不善以忠化寇暴以仁圍何必劍乎

孔子曰行身有六本本立焉然後可為君子體有義矣而孝為本喪有禮矣而哀為本戰陣有隊矣而勇為本治政有理矣而能為本居國有禮矣而嗣為本生財有時矣而力為本置本不固無務豐未親戚不說無務外交事無終始無務多業聞記不言無務多談比近不說無務修遠是以反本修邇君子之道也

孔子曰鯉君子不可以不學見人不可以不飾不飾則無根無根則失理失理則不忠不忠則失禮



失禮則不立夫遠而有光者飾也近而愈明者學也譬之汗池水潦注焉菅蒲生焉從上觀之誰知其非源也

孔子謂子路曰汝何好曰好劍孔子曰非此之問也請以汝之所能加以好學豈不可哉子路曰學有益乎孔子曰人君無諫臣則失政士無教友則失德狂馬不釋其策操弓不反於檠正弓之器木受繩則直人受諫則聖受學重問孰不順成毀仁惡士且近於刑君子不可不學也子路曰南山有竹弗

操自直斬而射之通乎犀革又何學焉孔子曰括而羽之鏃而砥礪之其入不益深乎子路拜曰敬受教哉並見說苑

楚伐陳第十八

楚伐陳焚西門使降民修之孔子過之不軼子路問曰禮過三人則下車二人則軼陳修門者衆矣夫子不軼何也孔子曰丘聞之國亡而不知不智知而不爭不忠忠而不死不廉今陳修門者不行於此丘故不軼也



顏淵問仲尼曰成人之行何若子曰成人之行達乎情性之理通乎物類之變知幽明之故睹遊氣之源若此則可謂成人既知天道行身以仁義飾身以禮樂夫仁義禮樂成人之行也窮神知化德之盛也

子貢問死人有知乎無知也孔子曰吾欲言死者有知也恐孝子順孫妨生以送死也吾欲言死者無知也恐不孝子孫棄而不葬也賜爾欲知死人有知將無知也死徐自知之猶未晚也

孔子曰移風易俗莫善於樂安上治民莫善於禮是故聖人修禮文設庠序陳鐘鼓天子辟雍諸侯泮宮所以行德化也

孔子之楚有獻魚者孔子不受獻魚者曰天暑市遠賣之不售思欲棄之不若獻之君子孔子再拜受命使弟子掃地將祭之弟子曰人將棄之而夫子將祭之何也孔子曰吾聞之務施而不腐餘財者聖人也受聖人之饋可無祭乎

孔子曰北方有獸其名曰夔前足鼠而後足兔是



下席不正  
正句疑  
衍

獸也甚愛蛭蛭巨虛也食得甘草必齧以遺蛭蛭  
巨虛蛭蛭巨虛見人將來必負蟹以走蟹非性愛  
蛭蛭巨虛也為其假足故也二獸者亦非性愛蟹  
也為其得甘草而遺之也夫禽獸昆蟲猶知比假  
以相報也況於士君子之欲興名利於天下者乎  
並見  
說苑

孔子席不正不坐割不正不食席不正不坐不飲  
盜泉之水積正也漢許慎說文  
士尹池為荆使於宋司城子罕止而觴之南家之

何崇曰  
叙鄙事  
能如此  
鍊雅

牆擁於前而不直西家之潦經其宮而不止士尹  
池問其故子罕曰南家鞅工也吾徙之其父曰吾  
恃鞅而食者三世今徙是國之求鞅者不知吾處  
也吾無以食願相國之憂吾不食也為是吾不徙  
西家高吾宮卑潦之經吾宮也利為是吾不禁也  
士尹池歸荆適興兵欲攻宋士尹池諫於王曰宋  
不可伐也其君賢其相仁賢者得民仁者能用人  
攻之無功乃為天下笑荆釋宋而攻鄭孔子聞之  
曰夫修之廟堂之上而折衝千里之外者司城子



罕之謂也

劉向新序

楚共王出獵而遺其弓左右請求之共王曰止楚人遺弓楚人得之又何求焉仲尼聞之曰惜乎其不大也亦曰人遺弓人得之而已何必楚也說苑虞人芮人質成於文王入文王之境見其人民遜為士大夫入其國見其士大夫遜為公卿二國者相謂曰其人民遜為士大夫其士大夫遜為公卿其君亦遜以天下而不居矣二國者未見文王歸而遜其所爭為閑田孔子曰大哉文王之道乎其

不可加矣不動而變無為而成敬謹恭已而虞芮自平

曾子芸瓜誤斷其根曾皙怒援大杖擊之曾子仆地有頃而蘇蹙然而起曰大人教參得無疾乎孔子聞之以告門人曰參來勿內三日曾子因客而見孔子孔子曰汝聞瞽瞍有子名曰舜舜之事父也索而使之未嘗不在側求而殺之未嘗可得小箠則待大箠則走以逃暴怒也立體而不去殺身以陷父不義不孝孰是大乎



何崇曰  
詞甚雕  
績

孔子既不得用於衛將西見趙簡子至河而聞竇  
鳴犢舜華之死也曰竇鳴犢舜華晉國之賢大夫  
也趙簡子未得志之時須此兩人而後從政及其  
已得志殺之丘聞之刳胎殺夭則麒麟不至竭澤  
涸魚則蛟龍不遊覆巢毀卵則鳳凰不翔何則君  
子重傷其類也夫鳥獸之於不義也尚知避之而  
況丘哉乃還並見說苑

孔子先第十九

孔子先世宋緡公之長子曰弗父何何世為宋大

夫其曾孫曰正考父考父之子曰孔父嘉嘉為華  
父督所殺其子奔魯始為陬人孔子之魯大父曰  
孔防叔防叔生伯夏伯夏生叔梁紇以勇力聞於  
諸侯禱於尼丘生孔子故名之曰丘字仲尼孔子  
之生魯襄公之二十二年也孔子為兒嬉戲常陳  
俎豆設禮容幼而喪父葬於防山母不以告及母  
死不知其墓乃殯於五父之衢有過而疑焉因問  
之得於聊曼父之母然後合葬於防孔子長九尺  
六寸人皆謂之長人蓋未有知之者年三十有四



魯大夫孟僖子病且死屬說與何忌事之而學禮焉以定其位闕里世載

齊景公致廩丘於孔子以為養子不受曰吾聞君子當功以受祿今說景公未之行而賜廩丘其不知丘甚矣遂辭而行說苑

孔子遭難於陳蔡之境絕糧弟子皆有饑色孔子歌兩柱之間子路入見曰夫子之歌禮乎孔子不應曲終而曰君子好樂為無驕也小人好樂為無懼也其誰知之子不我知而從我者乎子路不悅

授干而舞三終而出及至七日孔子修樂不休子路愠見曰夫子修樂時乎孔子不應樂終而曰由昔齊桓公霸心生於莒勾踐霸心生於會稽晉文霸心生於驪氏故居不幽者思不遠身不約者智不廣庸知不遇於是興明日免於阨子貢執轡曰二三子從夫子而遇此難也其不可忘也孔子曰惡是何言也語不云乎三折肱而成良醫夫陳蔡之間丘之幸也二三子從丘皆幸人也吾聞人君不困不成王士不困不成行昔者湯困於莒文王

不困不成王士不困不成行昔者湯困於莒文王



寒之下  
脫及字

困於羸里秦穆公困於殽齊桓公困於長勺勾踐  
困於會稽晉文困於驪姬夫困之道從寒之暖暖  
之及寒也唯賢者獨知其難而言之也易曰困亨  
貞大人吉說

無下脫  
不字

孔子困於陳蔡之間七日不食藜羹不糝弟子皆  
有饑色孔子讀詩書治禮樂不休子路進諫曰凡  
為善者天報以福為不善者天報以禍今先生積  
德行為善久矣意者尚有遺行乎奚居之隱也孔  
子曰由來汝不知吾語汝子以智者為無知乎則

王子比干何為剖心而死子以諫者為必聽邪伍  
子胥何為抉目於吳東門子以薦者為必用邪伯  
夷叔齊何為餓死首陽之下子以忠者為必用邪  
鮑莊何為而肉枯故荆公子高終身不顯鮑焦抱  
木而立子推登山焚死古聖人君子博學深謀不  
遇時者眾矣豈獨丘哉賢不肖者才也為不為者  
人也遇不遇者時也死生者命也有其才不遇其  
時雖才不用苟遇其時何難之有故舜耕歷山而  
陶於河畔立為天子則其遇堯也傳說負壤土釋



版築而立佐天子則其遇武丁也伊尹有莘氏之  
 媵臣也負鼎俎調五味而佐天子則其遇成湯也  
 呂望行年五十賣食於棘津行年七十屠牛朝歌  
 行年九十為天子師則其遇文王也管夷吾束縛  
 膠目居檻車中自車中起為仲父則其遇桓公也  
 百里奚自賣取五羊皮而為卿大夫則其遇秦穆  
 公也沈尹名聞天下為令尹而讓孫叔傲則其遇  
 楚莊王也伍子胥前多功後戮死非其智益衰也  
 前遇闔廬後遇夫差也夫驥阨鹽車非無驥狀也

夫世莫知也使驥得王良造父驥其無千里之足  
 乎芝蘭生於深林非為無人而不芳故學者非為  
 通也為窮而不困說苑

孔子過宋與弟子習禮於大樹下宋司馬使人伐  
 其樹去適鄭典畧

仲尼曰吾聞堯舜遊首山觀河渚乃有五老亦觀  
 河渚一老曰河圖將來告帝期二老曰河圖持龜  
 告帝謀三老曰河圖將來告帝書四老曰河圖將  
 來告帝圖五老曰河圖將浮龍銜玉苞金泥玉檢



封書成五老飛為流星上入昴

論語識

孔子隕於陳弦歌於館中夜有人長九尺餘皂衣

高冠大咤聲動左右子路引出與戰于庭仆于地

乃大鯁魚也

鯁大計切鮎魚

子曰吾聞物老則羣精依之

因衰而至此其來也夫六畜之物及龜蛇魚鼈及

草木久者皆神為妖怪故謂之五箇五箇五行之

方皆有其物酋者老也故物老皆為怪殺之則已

夫何患哉

曾子第二十

曾子從仲尼在楚心動問母母曰思之齧指孔子

聞之曰參之至誠精感萬里

搜神記

子曰天子之德感天地動八方是以功合神者稱

皇德合天地者稱帝義名曰王

帝王世紀

孔子與聞魯國之政齊人懼曰孔子為政必伯伯

則吾地近焉我為之先并矣盍致地焉犁鉏曰請

先沮之沮之不可致地庸遲乎於是選國中女子

八十人皆衣文衣舞康樂馬三十駟以遺魯君魯

君游觀終日卒受之三日不朝孔子遂行師已送



之曰夫子則非罪孔子曰吾歌可夫歌曰彼婦之  
 口可以出走彼婦之謁可以死敗游哉優哉聊以  
 卒歲師已反季桓子曰孔子何言師已以實告桓  
 子歎曰夫子罪我以羣婢故也孔子去魯十三年  
 適衛者五適陳蔡者再適曹適宋適鄭適葉適楚  
 各一諸侯皆莫能用卒自衛反魯蓋定公十四年  
 由大司寇攝相事時也齊歸女樂孔子行孔子世家  
 魯沈猶氏且飲其羊飽之以欺市人公慎氏有妻  
 而淫慎潰氏奢侈驕佚魯市鬻牛馬者善豫價孔

子下脫  
將字

子為魯司寇沈猶氏不敢飲其羊公慎氏出其妻  
 慎潰氏踰境而疋鬻牛馬者不豫價布正以持之  
 也既為司寇季孟墮揮邱費之城齊人歸所侵魯  
 之地由積正之所致也故曰其身正不令而行劉  
 新序  
 楚昭王召孔子欲使執政而封以書社七百里子  
 西謂楚王曰楚之祖封於周為子男五十里今孔  
 子述三王之法明周召之業王若用之則楚安得  
 世世堂堂方數千里乎文王在豐武王在鎬百里



攻下子  
字衍文

之君卒王天下今孔丘得據土壤賢弟子為佐非  
楚之福也昭王乃止史記

衛孔文子將攻子太叔問策於仲尼仲尼辭不知

退而命載而行季康子以幣迎孔子孔子歸魯孔

子去魯凡十四年而反乎魯孔子世家

孔子曰孝弟之至通乎神明光于四海舜之謂也

新序

孔子謂曾子曰君子不以利害義則耻辱安從生  
哉官怠於宦成病加於少愈禍生於怠惰孝衰於

睿欲按  
今新序  
無之疑  
誤

妻子察此四者慎終如始新序

子曰聽遠音者聞其疾而不聞其舒望遠人者察

其貌而不察其形立乎定哀之間而指乎隱桓隱

桓之日遠矣穀梁子

定公會齊侯於夾谷孔子相兩君就壇兩相相揖

齊人鼓譟而起欲執魯君孔子歷階而上不盡一

等命司馬止之孔子視歸乎齊侯曰兩君之合好

夷狄之人何為來為齊侯謝曰寡人之過也退而

屬二三大夫曰夫人率君行古人之道二三子率



春猷按  
今公羊  
傳無之  
當作穀  
梁子

我入夷狄之俗何為乃罷會齊君使優施舞於魯  
君之幕下孔子曰笑君者罪當死司馬行法首足  
異門出齊人懼來歸鄆謹龜陰之田蓋為此也因  
是以見有文事必有武備孔子夾谷之會見之公羊  
傳  
孔子之宋匡簡子將殺陽虎孔子似之甲士圍孔  
子之舍子路奮戟將下鬪孔子止之曰何仁義之  
不免俗也夫詩書之不習禮樂之不修也是丘之  
過也若似陽虎非丘之罪也命也夫由歌吾和汝

子路歌夫子和之三終而甲罷說苑

孔子母顏氏徵在游大澤之陂夢黑帝使請已已

往夢交語曰汝乳必於空桑之中覺則若感生丘

於空桑首類尼丘山故以為名孔演圖

孔子生之夜有二蒼龍自天而下有二神女擎香

霧於空中以沐徵在先是有五老列於庭則五星

之精有麟吐玉書於闕里人家云水精之子繼商

周而素王出故蒼龍繞室五星降庭徵在知其為

異乃以繡紱繫麟角而去至敬王末魯哀公之十



四年魯人鉏商田於大澤得麟以示夫子夫子知命之終乃抱麟解紱而涕泗焉伏侯古今註

仲尼魯人生不知易本偶筮其命得旅請益於商瞿氏曰子有聖智而無位孔子泣而曰天也命也鳳鳥不來河無圖至嗚呼天命之也嘆訖而息志

庖羲氏先文

仲尼牛脣吐教陳機受度又仲尼虎掌是謂威射胸應雉是謂儀古又仲尼龜脊又孔子海口言若舍澤又夫子輔喉孝經鈞命訣

何崇曰西王母老聃皆秉異相至人故自別

孔子之勁能拓國門之關勇服孟諸足蹠狄鬼不以力聞呂氏春秋

孔子去魯佩象環五寸象言其有文理也環可循而無窮也古禮記

西狩獲麟有告者曰有麕而角者子曰孰為來哉反袂拭面涕沾袍曰吾道窮矣公羊傳

孔子將死遺秘書曰不知何一男子自稱秦始皇上我堂踞我牀顛倒衣裳至沙丘而亡後始皇至

魯觀孔子宅至沙丘而亡王充論衡



鮑永為魯郡太守時彭豐等不降闕里無故荆棘  
 自闕從講堂掃除至孔子廟永異之謂府丞曰方  
 今隄急而闕里無故自滌豈夫子欲行大饗誅無  
 狀也乃修學行鄉禮請豐會手格殺之東觀漢記  
 魯哀公十六年夏四月己丑孔子卒公誅之曰旻  
 天不弔不憇遺一老俾屏余一人以在位笑笑余  
 在疚嗚呼哀哉尼父無自律春秋傳  
 孔子卒受魯君璜玉葬郭之北泗水為之却流白虎通

鍾離意為魯相出私錢付戶曹孔訢修孔子車身  
 入廟拭几席劍履男子張伯除堂下草得璧七枚  
 懷其一以六枚白意孔子授教堂下牀頭懸一甕  
 召訢問訢曰夫子甕也背有丹書意發視之中有  
 素書曰後世修吾書董仲舒護吾車拭吾履發吾  
 筭鍾離意璧有七張伯懷其一鍾離意傳

孔子集語卷下終



孫氏孔子集語序  
 孔子集語著陽湖孫觀審星衍字伯淵所撰也孔子脩百王之道以詔未者六  
 經而外傳記百家所載微言大義足以明經業導揚儒風者往々而有其  
 纂輯成書者梁武帝孔子正言二十卷王勃次論語十卷皆不存見存揚簡先  
 聖大訓十卷薛據孔子集語二卷潘士達論語外篇二十卷而薛書最顯不  
 免至漏近人曹廷棟又為孔子逸語十卷按據失實不足論嘉慶辛未歲  
 觀察引疾歸田惜儒書之闕失乃博蒐群籍緝覈異同增多辭書六七  
 倍而仍名之為孔子集語者識所緣起也其纂輯大例易十翼禮小戴  
 記春秋左氏傳孝經論語孟子舉世誦習不載家語孔叢子有成書專行  
 不載史記孔子世家弟子傳易檢亦不載其餘群經傳注祕緯諸史諸子  
 以及唐宋人類書鉅篇隻句畢登無所去取皆明言出處篇卷或疑文  
 脫句酌加按語或一事而彼此互見且五六見得失短長可互證得之逾年  
 初稿成又二年屬其友人烏程嚴可均略仿說苑體裁理而董之覆檢群書  
 是正謬字更移次第益闕遺為十四篇勸學第一孝本第二五性第三六  
 藝第四主德第五臣術第六交遊第七論人第八論政第九博物第十事譜  
 第十一雜事第十二遺識第十三寓言第十四各為卷六藝事詳寓言卷大  
 分為上下以十四篇為十七卷勸學等篇與正經相表裏遺識不醇寓言蓋依  
 託乃彫版於金陵公諸後世而嚴可均為之序

明治廿七年六月十一日岸本氏所貽

尚德堂

享和元年三月刺成

本石町二丁目

西村源六

江都書林

大傳馬町二丁目

大和田安兵衛

*Handwritten signature*



